

## N O T A T

**Finanstilsynet**

02. november 2022

J.nr.21-000206  
/KIPÉ

**Aningaasanik peqquserluutinik malunnarunnaarsaaneq pillugu inatsimmik, aningaasalersuineq pillugu inatsimmik aamma inatsisnik assigiinngitsunik allanik allannguineq pillugu inatsimmi § 1-imik Kalaallit Nunaannut atuutilersitsineq pillugu peqqusummik (peqquserlunnikkut aningaasalersuinermut akiuiniarnermik sukaterineq aamma aningaasanik peqquserluutinik malunnarunnaarsaaneq pillugu malitassiat sisamaata (4.) aamma tallimaata (5.) naammassineqarneranik) eqikkaaneq**

### **1. Allaqqaaasiut**

Aningaasanik peqquserluutinik malunnarunnaarsaaneq pillugu malitassiat sisamaata (4.) aamma tallimaata (5.) malitsigisaanik aningaasanik peqquserluutinik malunnarunnaarsaaneq pillugu inatsimmut allannguutinik imaqartumi, inatsimmi nr. 1563, 27. december 2019-imeersumi § 1-i peqqussutikkut Kalaallit Nunaannut atuutilersinneqarpoq.

Inatsimmi nr. 553, 7. maj 2019-imeersumi § 1-imik immikkoortoq 24, 28, 36, 37, 49, 93 aamma 94, peqqussutikkut nr. 2627, 28. december 2021-meersukut peqqussusiarineqarput.

Taamaattoq inatsisikkut nr. 1563, 27. december 2019-imeersukkut immikkoortut taakku atorunnaarsinneqarsimapput atuutilerseqqinneqarsimallutilu.

Ulloq inatsimmik nr. 553, 7. maj 2019-imeersumik aamma inatsimmik nr. 1563, 27. december 2019-imeersumik atuutilersitsiffiusimasoq, tassasimavoq 10. januar 2020.

Taamaattumik qulaani eqqaaneqartuni immikkoortuni aalajangersakkat, Danmarkimi atuutilinngisaannarsimapput, taamaattumillu Kalaallit Nunaannut peqqussummi inatsisitigut sunniuteqaratik.

Taamaattumik inatsimmik nr. 1563, 27. december 2019-imeersumik inatsisitigut tunngaveqarluni, aalajangersakkat nutaamik peqqussusiarineqarput.

Ataani aningaasanik peqquserluutinik malunnarunnaarsaaneq pillugu inatsimmik allannguinerit pingaernerit, aammalu Kalaallit Nunaanni pissutsinut tulluarsaanerit pingaernerit eqikkagaapput.

**Qitiusumik isumamineertunik atortorissaarutitigut aaqqissuussat pilugit maleruagassanik sukumiinerusumik aalajangersaanissamut pigin-naatitsineq**

Aningaasanik peqquserluutinik malunnarunnaarsaaneq pillugu inatsimmi § 30 a-mut peqqussummi siunnersummik, IBAN-imik, kiisalu boks-inik aningaasanik ikisiffigisartakkanik kinaassusersineqartartunik, inunniq imaluunniit inatsisitigut akisussaasuuusunik (assers. suliffeqarfinnik, kattuffinnik il.il.) kinaassusersinninnissamik periarfissiisumik, erhvervsminister-i qitiusumik isumamineertunik atortorissaarutitigut aaqqissuussat pillugit maleruagassanik sukumiinerusumik aalajangersaanissamut periarfissinneqarpoq.

Taamaalilluni, akiliutinut konto-t, bankkonto-t aamma boks-it aningaasanik ikisiffigisartakkat pillugit paassisutissanut, qitiusumik isumamineertunik atortorissaarutit pillugit qallunaat nunaanni nalunaarutip atuuttup assigisaanik, Kalaallit Nunaannut maleruagassanik atuutilersitsinissamut, aalajangersakkut periarfissiisoqarpoq.

Peqquussummi § 1, nr. 8-mut innersuussisoqarpoq.

**Ingerlatseqatigiiffimmit pigineqartunik ingerlatseqatigiiffinnik, immikkoortortaqarfinnik imaluunniit sinniisoqarfittut allaffeqarfinnik pilersitsisarnerit**

Nakkutiginninnissamut oqartussaasut, unioqqutinneqannginnissaanik nakutiginnittuusut, aningaasanik peqquserluutinik malunnarunnaarsaaneq pillugu inatsimmi § 31 a-mi aalajangersakkamik nutajusumik, nunat peqatigiit avataanniittunik, annertuumik aarlerinaatilittut nunatut Europa-Kommission-ip allattaaviani allassimasumi nunami angerlarsimaffeqartut, suliffeqarfittut imaluunniit inuit ingerlatseqatigiiffimmit pigineqartunik ingerlatseqatigiiffinnik, immikkoortortaqarfinnik imaluunniit sinniisoqarfittut allaffeqarfinnik pilersitsisarnerinut itigartitsinissamut inatsisitigut tunngavissamik peqalerput.

Nunat peqatigiit avataanniittunut, annertuumik aarlerinaatilinnut nunanut naleqqiullugu iliuusissap ataatsip arlallilluunniit atorneqarnissaannik qulakke-erisussanik maleruagassanik aalajangersaasoqarnissaa pillugu aningaasanik peqquserluutinik malunnarunnaarsaaneq pillugu malitassiat tallimaani pi-umasaqaat, maleruagassakkut naammassineqarpoq. Ilaatigut, suliffeqarfik imaluunniit inuk, aningaasanik peqquserluutinik malunnarunnaarsaaneq pil-lugu inatsimmut ilaatinneqartoq, ingerlatseqatigiiffimmit pigineqartunik inger-latseqatigiiffinnik, immikkoortortaqarfinnik imaluunniit sinnisoqarfittut allaf-feqarfinnik pilersitsinissamik kissaateqartoq, pissutsinut ilaatinneqarpoq.

Aammattaaq aningaasanik peqquserluutinik malunnarunnaarsaaneq pillugu inatsimmi § 31 b-mik, nunami, annertuumik aarlerinaatilittut nunatut Europa-Kommission-ip allattaaviani allassimasumi, immikkoortortaqarfimmik imaluunniit sinnisoqarfittut allaffeqarfimmik pilersitsinissamik kissaateqaraangamik, aningaasanik peqquserluutinik malunnarunnaarsaaneq pillugu inatsimmut ilaatinneqartut suliffeqarfiiit aamma inuit nalunaarutiginnittussaati-taassapput. Suliffeqarfik imaluunniit inuk pineqartoq, nunami, annertuumik aarlerinaatilittut nunatut Europa-Kommission-ip allattaaviani allassimasumi, immikkoortortaqarfimmik imaluunniit sinnisoqarfittut allaffeqarfimmik pilersitsinissamik kissaateqarneq pillugu, nakkutiginninnermik oqartussaasunik attuumassuteqartunik ilisimatitsisarnissaanik tamanna nassataqarpoq.

Peqquussummi § 1, nr. 9-mut innersuussisoqarpoq.

### **Aningaasaatinik tiguseqqusiunnaarneq**

Peqquussummi § 34 a-mut siunnersuut, aqqi FN'ip naalagaaffimmut pillaatis-siissusikanut allattorsimaffianut ilaasunit aamma Erhvervsstyrelsen-ip nittar-tagaani tamanut saqqummiunneqarsimasunit,inunnit imaluunniit inatsisitigut akisussaasuusunit pigineqartunik imaluunniit tigummisarineqartunik anin-gaasanik tiguseqqusiunnaarnissamut, aningaasanik peqquserluutinik malun-narunnaarsaaneq pillugu inatsimmut ilaatinneqartut suliffeqarfinnik aamma inunniik pisussaaffiliivoq.

Peqquussummi § 1, nr. 10-mut innersuussisoqarpoq.

### **Suliffeqarfimmi unioqqutitsisoqartarnera pillugu tamanut saqqummius-sisartunik illersuinerup aaqqissuunneqarneranik sukaterineq (isu-maqatigiissusiap iluani nipangiussisussaanermik immikkut isu-maqatigiissusiornissamut inerteqqut)**

Peqquussummi § 35 a-mut siunnersuut, aningaasanik peqquserluutinik malun-narunnaarsaaneq pillugu inatsimmiq unioqqutitsinerit imaluunniit unioqqutitsi-sinnaanerit pillugit suliffeqarfiup sulisuinut kiisalu siornatigut sulisuusi-masunut paassisutissanik nalunaaruteqarsinnaanermut periarfissaannut naleqqiullugu isumaqtigiissusiap iluani nipangiussisussaanermik immikkut isumaqtigiissusiornissamut inerteqqummik imaqarpoq.

Peqquusummi § 1, nr. 11-imut innersuussisoqarpoq.

### **Trust-it (ningaasaateqarfiiit il.il.) aamma inatsisitigut aaqqissuussat as-singusut**

Trust-it aamma inatsisitigut aaqqissuussat assingusut pillugit allaatiginniffiusumik nutaamik kapitali 10 a-mik ikkussisoqarpoq. Aningaasanik peqquserluutinik malunnarunnaarsaaneq pillugu inatsimmi aalajangersakkat nutaat arallit saniasigut, kapitali 10 a nutaajusoq, inatsimmi aalajangersakkani allani, arlalinnik kingunerititatut iluarsiinernik nassaqarpoq.

Aningaasanik peqquserluutinik malunnarunnaarsaaneq pillugu inatsimmi kapitali 10 a-mi maleruagassatigut, ingerlatsisuusoq imaluunniit inuit atorfinni assingusuniittut, piginnittuiit pillugit paasissutissanik passussisarnermut tunngatillugu, pisussaaffinnik assiginngitsunik arlalinnik peqqusiffigineqarput.

Maleruagassat tamakku malillugit, ingerlatsisuusoq ilaatigut piginnittuiit pillugit paasissutissanik pissarsisassaaq, ukiumoortumik paasissutissanik amigaataalersunik ilangngussuisassaaq, kiisalu Erhvervsstyrelsen-imut al-lanngutinik nalunaaruteqartarluni.

Aammattaaq ingerlatsisuusoq, piginnittuiit pillugit paasissutissanik ukiuni tallimani toqqorsimatitsisarnissamik, kiisalu oqartussaasut nakkutilliinermut-aamma nakkutiginninnermut sulinerannut paasissutissat pisariaqassappata, Aningaasanik peqquserluutinik malunnarunnaarsaaneq pillugu Allattoqarfim-mut imaluunniit oqartussaasunut piginnaasaqartunut allanut tamakkuningga tunniussisassalluni pisussaaffiligaassaaq.

Peqquusummi § 1, nr. 12-imut innersuussisoqarpoq.

### **Ilisimatitsisussaatitaanermik annertusaaneq aamma paasissutissanik nalunaaruteqartarneq**

Peqquusummi § 49, imm. 1, oqaaseqatigut aappaannut aamma imm. 2-mut nutaamut siunnersuummik, aningaasanik peqquserluutinik malunnarunnaarsaaneq pillugu inatsit malillugu, sapinngisamik piaarnerpaamik, Finantsilsyn-ip suliffeqarfinnik nakkutiginninneranut pingaaruteqartut pissutsit pillugit paasissutissanik Finanstilsyn-i nalunaarfigissallugu, aningaasalersuinermik suliffeqarfiiit peqqusiffigineqarput.

Aammattaaq suliffeqarfiiit, paasissutissat tunniussatik eqqortuusimanngitsut imaluunniit uniuussinnaasut, aammaluu pisussaaffimmik tamatuminnga eqqortitsinnginneq, akiliisitaanermik pineqaatissiissutaasinnaasussaasoq, tamatumia kingorna suliffeqarfiiup paasiguniuk, sapinngisamik piaarnerpaamik Finanstilsyn-imut tunniussaminnik paasissutissanik iluarsiinissamik pisussaaffiligaapput. Paasissutisanut attuumassuteqartunut pissutsinut pineqartunut paasissutissat tunniussatik eqqortuusimanngitsut imaluunniit

uniuussinnaasut, suliffeqarfimmit erseqqissumik paasineqaraangat, paasisutissanik iluarsiinissamik pisussaaffik atuutilertarumaarpoq.

Finanstilsyn-i, peqqusummi § 49, imm. 7-imut siunnersummi suliffeqarfinnik aamma inunnik pisussaaffiligaasunik Finanstilsyn-ip aarlerinaatinut naliliis samut atugassaanik suliffeqarfutitik pillugit qarasaasiami pasissutissanik nalunaaruteqartarnissaannik suliffeqarfinnik aamma inunnik pisussaaffiligaasunik peqqusiffinginnissinnaanissamut maleruagassanik aalajanger saanissamut periarfissinneqarpoq.

Peqqusummi § 1, nr. 13-imiit 16-imut innersuussisoqarpoq.

### **Sullitanik/pisisartunik/niueqatinik nutaanik pissarsiorunnaarallaqqusineq**

Peqqusummi § 51 b-mut siunnersuut malillugu, aningaasanik peqquserluutinik malunnarunnaarsaaneq pillugu inatsimmi § 1, imm. 1, nr. 1-8, 10, 11, 19, 23 aamma 24-imut ilaatinneqartoq suliffeqarfik, inatsimmi matumani aalajangersakkamik, imaluunniit tamanna malillugu atuutilersitaasunik maleruagassanik, ilungersunartumik unioqqutitsinermik paasisaqarfingineqarpat, suliffeqarfik imaluunniit inuk maannakkuugallartoq attaveqarfingisassanik (sullitas sanik, niueqatigiligassanik, pisisartunik il.il.) nutaanik pissarsiorunnaarallaqqullugu, Finanstilsyn-imit peqqusiffingineqarsinnaavoq. Unioqqutitsineq tamakkiisumi imaluunniit ilaannakortumik nunami allami immikkoortortaqarfimmi ingerlanneqarsimappat, peqqusissut aammattaaq immikkoortortaqarfiusumik ilaqlersinneqarsinnaassaaq. Suliffeqarfik imaluunniit inuk, Finanstilsyn-imut allakkiatigut upernarsaasinnaappat, unioqqutitsineq unitsinneqarsi masoq, peqqusissut atorunnaarsinneqassaaq.

Suliffeqarfimmut imaluunniit inummut akuliunneq annertooq matumani pineqarpoq. Taamaattumik, Finanstilsyn-i sapinngisamik piaernerpaamik, upernarsaatitut allakkiamik tigusinermi, unioqqutitsinerup unissimaneranik naammattumik allakkiatigut upernarsasoqarnersoq, naliliissasoq, naliliiner minillu suliffeqarfik nalunaarfingissagaa piumasaqaataavoq.

Peqqusummi § 1, nr. 17-imut innersuussisoqarpoq.

### **Eqqartuussinertaqanngitsumik akileeqqusissut**

Peqqusummi siunnersummi, aningaasanik peqquserluutinik malunnarunnaarsaaneq pillugu inatsimmi aalajangersakkatut nutaatut § 78 a, imm. 1-ii kunneqarpoq, tamatumalu kingorna inuit aamma inatsisitigut akisussaasut (assers. suliffeqarfii, kattuffiit, pisortaqarfii il.il.) aningaasanik peqquserluutinik malunnarunnaarsaaneq pillugu inatsimmi aalajangersakkanik tulleriaak kanik aalajangersimasunik unioqqutitsinerini, pisuni unioqqutitsineq akiliisitsinermik pillaammik annertunerusumik nassataqassanngitsoq naatsorsuutigineqarpat, unioqqutitsisuusimasoq, unioqqutitsinermut pisuuusutut nassueruteqarpat, aammalu sukumiinerusumik piffissarititaasup allaatigineqarsimasup

iluani akileeqqusissummi allanneqarsimasutut akileeqqusissut akilerumal-lugu, piareersimasutut nalunaarpat, Finanstilsyn-i akiliisitsissutinik atuutiler-sitsinissamut periarfissinneqarluni.

Peqquussummi § 1, nr. 22-imut innersuussisoqarpoq.